

進賢縣志卷之五

建置

水利

兵防

津梁

郵遞

水利

陂一千一百七十三所

塘四千四百口

圳五十所

池一所

湖尾三所

窟九十七所

圩八所



一都

陂三十一所 塘二百二十口 窟七所 圳二所

二都

陂七所 塘一百八十九口

三都

陂四十三所 塘一百一十六口

四都

陂四十三所 塘八十六口 窟十三所 圳四所

五都

陂五十四所 塘九十二口 圳三所

六都

陂三所 塘一百六十二口 窟三所

七都

塘一百六十五口 窟三所 圳五所

八都

陂五所 塘三百七十二口

九都

塘二百二口 湖尾三所

十都

陂四十四所 峽一所 塘二百二十二口

十一都

陂四十七所 塘七十四口

十二都

陂八十一所 塘六十三口 窟二十三所 圳四所

十三都

陂二十一所 塘二百二十一口 窟二所 圳六所

十四都

塘一百二十三口

十五都

陂一十所 塘二百一十口 窟二所 圳一所

十六都

陂一十所 塘七十口 窟四所 圳一所

十七都

陂二十二所 塘三十二口

十八都

塘一百三十七口

十九都

塘一百八十五口

二十都

塘一十三口

二十六都

塘五十九口

二十七都

陂一百三十一所 塘十六口 圳六所

二十八都

陂一百六十八所 塘二十一口 窟二所 圳六所

二十九都

塘一百一十七口

三十都

陂一百一十二所 塘一十二口 圳五所

三十一二都

陂六十一所 窟六所 圳六所 圩六所

三十三都

塘一百五十八口

三十四都

塘一百八十七口

三十五都

陂九十五所 塘二百二十五口 窟二十所 圳二所

三十六都

陂二十三所 塘一百五十二口

三十七都

陂二十所 塘二百七十三口 窟十所 圳七所

三十八都

陂一十一所 塘二十六口 窟三所 圳一所 漚一所

湖尾二所

十九都二十都二十一都 今隸東鄉

陂一百四所 塘一百一口 窟十所 圳六所 以上聶志

按陂塘圩圳皆所以瀦水也瀦之則農有所灌溉旱有所濟為利豈小哉其頃畝丈尺詳冊其修築督理有塘長今久廢矣大抵隨田帶塘蔭注則老農相傳各守其桔槔之埠岸完

糧則冊書分派各視其鄉例之多少其有爭者鄉之耳目不可掩也又何必設塘長以滋擾乎然竊取水利律有禁又民命所關財賦所自出體國者所不宜末視者也 聶志

舊額陂塘二百四十八所

歸仁鄉

和尚陂 藍陂 楊樹塘 張源陂

楊家陂 蓋和陂 東陂 馬大陂

南新陂 烏坵陂 白石塘 荷陂

魏婆陂 楊柳塘 五里塘 鴉鵲塘

交塘 新塘二 李家塘 麻畬塘

龍陂塘

大塘

七里塘

湖觀塘

徐家塘

爐峯塘

貫塘

桑塘

大郭塘

艾家塘

劉峯塘

觀塘

十八陂塘

積工塘

丁家塘

堯師塘

堰塘

何師塘

堰湖塘

新陂塘

黃家塘

南塘

張家塘

橋兒塘

古塘

胡婆塘

雙塘

涂家塘

劉家塘

烏鴉塘

一作烏鵲

宋坊塘

晏塘

松畔塘

吳家塘

葉家塘

英山塘

沙塘

胡家塘

新姑塘

眾牛塘

神塘

穀樹塘

西涼塘

上棚塘

一作上樹

萬方塘

吳塘

喻勝塘

院塘

庄上塘

龔家塘

竹塘

魏家塘

林前塘

傅家塘

肥前塘

羊鷺塘

羅家塘

萬家塘

筋竹塘

鄭家塘

屋牆塘

楊樹塘

崇信鄉

長陂

東陂

新陂

中陂

淳塘

金塘

陂塘

新塘

雷塘

李塘

祿塘

鄧家塘

長坑塘

穀樹塘

范家塘

王家塘

作腔塘

牛岡塘

黃家塘

文家塘

麻油塘

西坑塘

許家塘

西家塘

瓜坑塘

蛇園塘

牛場塘

吳家塘

黃絲塘

一作黃線

夏坊塘

潤安塘

潤山塘

一作關山

焦家塘

浮磔塘

一作浮磔

山下塘

水瓦塘

李家塘

樓前塘

簇陂塘

張陂塘

黃僧塘

吳均塘

趙前灣

大塘

黃陂塘

杞柳塘

東岡塘

鶯鳴塘

羅家塘

窯鋪塘

窯疑

龔家塘

真隱鄉

楊樹陂

鄧坊陂

趙家塘

正塘

曲尺塘

王辛塘

傅家塘

蘆荻塘

同口塘

陳坊塘

鄧家塘

狄塘

新塘

隴源塘

百戶塘

翁家塘

幙塘

浯渡塘

陂塘

龍窟塘

周公塘

朱家塘

斗塘

長樂塘

大喻塘

金家塘

肥塘

院前塘

五岳塘

魏家塘

虎豹塘

黃泥塘

黃土塘

宋家塘

南陂塘

五步塘

西坑塘

丁家塘

樓下塘

泉脚塘

大江塘

一作大同山塘

欽風鄉

赤陂

鄔陵陂

官陂

新塘

明塘

塔岡塘

一作搭江

謝家塘

雙塘

熊坊塘

新塔塘

顏家塘

雄塘

楓樹塘

新堰塘

閔家塘

龍塘

彭坊塘

新坦塘

藍家塘

官塘

牛欄塘

烏泥塘

黃泥塘

捍塘

青窟塘

新陂塘

當頭塘

黃塘

雷公塘

新堰塘

小黃塘

大塘

平鼓塘

一作平波

湖尾塘

崇禮鄉

大陂

鄧家塘

桃林塘

堰塘

院塘

陂塘

幽槎塘

大姑塘

小歇塘

菱塘

新堰塘

二

吳家塘

院前塘

新塘

院坊塘

張甫塘

中小塘

二

小塘

李家塘

榆柳塘

占家塘

中塘

白沙塘

鄭家塘

流田塘

東塘

新陂塘

黃山塘



龍會塘

流塘

證林塘

朱家渡汀

竹塘

觀塘

明萬曆十五六年知縣林道楠韓邦域修圩六所 官圩一名

官池周迴八百丈 周家渡圩周迴一千丈 鄧林圩周迴八

百丈 泉白圩 裘家圩 紫溪圩

聶志

明萬曆三十六年夏大水前圩壞知縣周光祖請府縣倉穀二

千石有奇築圩八所其長一萬四千三百六十九丈石規一十

一口

聶志

明萬曆四十八年知縣沈景初繕下五鄉堤岸以防湖溢

江西通志

豐樂圩 萬曆三十三年知縣黃汝亨修築歲久圩壞水漲每

歲苦澇

國朝康熙三年知縣聶當世督率修築民得樂業正賦無逋上

下稱兩利焉

聶志

萬曆乙巳樊朝祖豐樂圩記畧曰邑治之東北依湖而閭者

厥地卑濕厥土瘠厥賦下下名豐樂圩宏治間祝公之所築

也其地爲鄱湖之西汊撫贛諸水奔流而下饒信之水倒灌

而上淫潦不時且周迴數萬丈綿亘百餘里通計圩之內列

圩四十有八稅可千餘石自圩成進邑食祝公之利者百年

於茲矣嘉靖以後日就傾圯叠遭水患雖蠲租借種叠煩上

官而圩不能完終非久遠之計適虎林黃公蒞任茲土慨然

進賢縣志 卷五  
以修復爲己任乃按總圩之產均派民夫修築其私圩則各修之於是畚者畝者築者饁者黍肉餉者歌而相杵者纍石者植檉者薪而下榘者風馳雲集不月告成又建社倉於此爲守圩之備圩歲有贏以入倉倉歲有蓄以備圩兩者相倚誠百世之利也爰記而鑱之石以告來者 聶志府志

白沙堤 在白沙湖與南昌之大沙河小沙河相連明巡道潘

昭度與邑人熊司馬明遇協謀興築 江西通志

墉坪圩 縣東北八十里二十二都北連餘干界明成化二年

兩縣合築 採訪冊

六合圩 與墉坪圩毗連墉坪之水由此出鋪前港 採訪冊

畫圖圩 與六合圩毗連在東南 採訪冊

中排圩 在六合圩之北 又名苦築圩

梓溪圩 明宏治間南昌知府祝瀚築隄上多植梓樹而得名也

國朝道光元年知縣朱楣捐貲修築 採訪冊

道光辛巳修築梓溪圩善後條例碑記進賢北鄉皆藉圩成田獨梓溪圩距鄱湖最近而爲地最低累年衝決倍於他圩近於嘉慶十五年公議集夫修築十餘年中衝決較少然民貧土瘠日久又恐工力懈弛欣逢本縣恩主朱勤恤民艱屢念蕩析涖任以來親臨各圩催修不下十餘次春夏水漲捐

廉助民防禦冬間更大捐費分給各姓圩戶集修加高培厚  
自可永保無患某等仰體盛意立成善後條例以垂永久一  
體遵行無敢違懈且以志永矢勿諼之意云一每年冬令共  
約興工厚薄高低必同一體如或少有參差定當合圩公罰  
一凡取土築圩除墳墓山郭以外凡就近之田便宜取土者  
皆許抽溝均挖不得攔阻亦不得故爲深鑿違者合圩公罰  
一總塘簿十年一修合圩清算將各姓過戶應承之圩總歸  
各姓分承大段一各姓花戶丈尺另載各姓私塘簿以爲計  
算出費買賣過塘之底本

採訪冊

西熟圩 又名安泰圩邑西北八十里明宏治間南昌知府祝

### 瀚築

國朝康熙六年南昌進賢各築一半進賢所築又分南北甲南  
甲胡趙萬三姓承築北甲龔陳熊三姓承築

採訪冊

大成圩 在梓溪圩南一名篁山圩明宏治間南昌知府祝瀚  
築

縣治湖港大小淺深不一居民田地錯雜雨水稀少之年卽藉  
以資灌溉實爲農田水利之所關至逼近鄱湖地勢較低之處  
每遇春夏陰雨連綿河湖水漲卽被漫溢向於較低之處設有  
圩堤以資捍衛歷係民修官督內於乾隆三十一年四十九年  
及嘉慶九年因民力不支曾經詳蒙借帑修築其餘民間一切

河渠坡堰均係居民農隙自行培修疏濬歲底官爲勘明結報縣冊

兵防

南昌城守營進賢汛把總一員額設防兵壹百零伍名道光二年奉文裁減二名實存兵丁壹百零叁名

池溪集汛駐防兵五名

新塘汛駐防兵五名

燕窩汛駐防兵五名

羅溪集汛駐防兵五名

馬坵汛嘉慶十九年移玉嶺汛置此駐防兵五名新建營房四

間

知縣王泉之移建馬坵鋪塘汛記塘汛之設所以防奸宄詰盜賊以衛乎民者也馬坵鋪素無塘汛移建於此者亦爲防奸宄詰盜賊而設也進邑依山傍湖山藪藏疾川澤納汙以致擔匪姚文質等結盟約誓設立邊錢有行令坐令之目有紅線黑線之分自一肩至十餘肩不等橫行鄉曲劫奪頻聞法度幾蔑如矣余於下車時心焉傷之察其情形居民側目不敢直言擔匪並不敢言賊非惟夜不成寐卽白晝孤行亦多畏忌甚至僻野村居任其掠取此取彼賣明日張膽招主勒贖民不敢復顧官亦不爲之一問良可嘆也因爲民請命

力乞大憲札委員弁檄飭鄰封會同協拿懲辦百有餘人非酷也生人之謂仁殺人而當亦謂之仁夫然後行者無戒嚴之苦居者獲寢息之安矣第法積久而生玩人情熟而成怠防微杜漸之心不可不周焉馬坵鋪地方爲省垣往來必由之路東距望夫嶺五里距羅溪汛十里西距玉嶺汛十里北界與南邑毗連山嶺環繞其中林樹叢密村居寥落僅一古廟匪徒尤易藏匿實爲行旅居民之害苟不思所以衛之可乎因查進邑旱塘五水塘一而池溪新塘羅溪燕窩八字腦或水或陸均關緊要惟玉嶺地方村居稠密宵小難以潛踪遂通詳將玉嶺塘汛移建馬坵鋪以資巡防而望夫嶺及玉嶺亦由該汛常川梭查一轉移間而憑城依社之徒自當滅跡而銷聲矣夫法者禁於未然者也刑者治於已然者也與其法已犯而治以刑孰若刑未行而示以禁昔季康子患盜孔子告之以不欲行端而表正也王彥方爲善於一鄉盜賊恥以其名聞之德修而人化也余之蒞進已四年矣其果有遺行歟何盜賊之不息也移塘汛以衛民亦事之末矣玉嶺原汛瓦木俱壞不堪復用馬坵鋪汛悉如前式造屋四間覆之以瓦余捐廉爲之斥埃烽燧亦如古制汛前另造茶亭一所以憩行人古廟從新修輯邑人樊德遠袁步廷共成之並紀之以勸民之慕義急公者

進賢縣志 卷五 建置  
八字牆設立塘汛一處駐防兵五名

潤溪集移駐外委一員駐防兵十名以上六汛撥兵三十名潤溪撥兵十名實存在營防守兵丁六十三名 以上縣冊

梅莊巡司在縣東北六十里乾隆三十年改鄔子巡司置額設弓兵壹拾名 詳見官署暨賦役門

操場舊在縣治西門外一里東西一十五丈南北二十五丈中有演武亭前有演武門繚以垣牆正德間知縣劉源清葺之嘉靖間知縣程光甸葺之萬曆間知縣黃汝亨重修題其廳曰戒不虞久廢旋移武營附近操演復因其地逼近文廟震驚聖座國朝嘉慶二十一年邑人雷鳴豫買武營後四姓民基新置操場寬展平行周圍繚以垣中建演武廳前樹演武坊其地前墾後路左嶺右城 採訪冊

### 津梁

思悔橋 縣前宋嘉定甲子縣令勾龍傑建今廢

玉帶橋 泮宮前成化初縣令呂聲建

少府橋 邑西仁行坊初架木爲之元季兵燬邑人馬仲明率

衆砌以石

通濟大石橋 宋皇祐僧法澄法淨建覆屋其上元監縣夾谷

八兒思不花天順辛巳縣令呂聲正德戊辰縣令謝贊皆嘗修之歲久圯壞

國朝康熙間縣令聶當世捐貲倡修董事募緣千佛庵僧海廣  
之力居多以上聶志四十一年縣令尚崇震復修羅志

齊之千新開通濟河碑記

皇帝御天下四十一載九州內外悉主悉臣海無怪風貢使  
相望決河且告成功天休人事罔不聚順維時則有知縣事  
三韓尚公載縮下邑之符來親勤民之事蓋五年於茲矣始  
至按圖視地喟然曰進之人文不競民苦於沴災者由形勢  
之變遷也元鳥之詩曰景員維河周公之城洛曰我乃卜澗  
水東瀍水西古聖人猶致擇焉屬在有司而可忽乎哉且志  
所謂山負水朝者進之形勢也壇山幸無恙河水跳而東而

官廡旁有池曰旱塘污穢壅閼不可以不治也遂躬率民夫  
操鋤畚土剗其垢濬其源指畫水道所出入曰如是如是居  
民謬謂不然已而掘數丈得故道石甃宛然並於河舊傳趙  
宋時有辜托者神僧營度斯治孰謂公之不假圖經而合也  
異哉方是時進言者曰洩溺解而昏淫除沆瀣入而靈秀發  
水之清濁氣之美惡也前令築兩堤堵河水內流謂加功焉  
公曰已之民力憊矣不可以復也居三年乃更合寮屬而諭  
之曰吾之有志焉而姑已之者非謂其踵前令而爲旦夕苟  
且之爲也賈待詔之議曰繕完故堤增卑培厚勞費無已此  
治河下策也吾聞之也因人故無功無功故惜費惜費無功

不可以謀久遠蓋嘗覽是邑之圖而嘆息矣往時院澤常湖之水匯於城南不支不滲截然安流由新橋入城折而西由西折而東北出城又折而北此地勢也溢而東水盛而倒行之使然今乃自南馳而東吾不知變遷之何日也僚友士大夫有相予者乎願捐貲復河之故道雖勞費不敢辭卽日詣河壩詳度地勢議河先扼其百會之咽喉不虞洙湍之蕩析也議堤使峭如邊牆之鎖鑰不用咫尺之彌縫也得傅氏田若干畝而鬻之諏吉興事肇基於河凡開河百丈有奇旣廣旣深洋洋乎巨浸哉河之外築堤堤長百丈有奇孔固孔厚蜿蜿乎若虹之飲水焉河入城爲新橋久陷構石鼎新凡幾

甕橋之下淤沙如大阜爬梳鏹瘳突者窪然成壑矣通用匠若干夫若干錢若干夫以錢募錢以日給虛往實歸懽欣子來公尤不避寒暑或昧明或日昃必親往其處斟酌盡善焉勞心勞力以一身而建合邑之利一日而起百代之衰此數十年父母斯邑者之所不及也公治河旣成渠兩旁鑿及泉中間參差治百千坎春漲梓撞土旣脆薄易動又當流順下如山排人力曷加焉公之善出奇不煩而致功者其方畧類此史傳稱治水者必曰禹功而李冰史起鄭白之徒猶得以次其名於河治之書且暮

聖天子詔召公卽以河事用公其功名豈在徐武功陳平江



通賢縣志 卷五  
下哉公爲邑城鮮狐鼠之奸民絕逋糧之累所以陰賜後人者蓋有無疆之福焉願繼公者無忘斯役也公諱崇震同城任事者貳令孫公某儒學某某總司某襄事最勞者龍山司韓某捕廳俞某鄉主簿吳某宜書

青龍橋 縣東北明正統間知縣張冲建因舊有青龍堤故名

嘉靖間署縣同知袁株修崇正間縣令蔣德瑗重修

國朝康熙六年縣令聶當世捐修堅固 聶志 乾隆二十二年暴

水橋圯知縣孫鐸詳修 羅志 道光二年邑人胡起鰲舒懋發重

建 採訪冊

嘉靖間萬浩青龍橋記昔大元學士王英記閩中張侯之令

進賢也能勤於政而猶以爲未至廣詢博採於事之苟可利民者必殫力爲之邑東有河其源出臨川之榭嶺紆迴百餘里合衆流至邑南經闔闔中轉而北復折而東近縣治水勢瀾漫其岸之高者曰青龍堤渡河者皆由此舊架木爲橋霖潦輒壞涉者病之張侯詢於邑士王士英等謀作石橋爲經久計士英曰衆所願也侯大喜率縣丞倪彥誠楊勉及簿佐等捐俸錢又勸諭富民爲助而士英率先倡之衆皆樂從因農隙鳩工伐石市銅鐵諸物肇工於正統庚申工成於壬戌春隄與橋及址皆石而鈐以鐵錠長百二十尺廣三十尺高與廣等因其隄之名題曰青龍橋歲久橋圯居者行者皆患

之嘉靖己未冬會有築城之令署縣事同知袁株謀於居近  
此橋尚書傅炯侍郎張臬少卿汪集謂此橋重建而後城爲  
完城炯等力贊之遂禮請好義居民熊珽汪臬熊璞熊玲熊  
瑄熊球熊熾呂基等授以官貲三百金外令各輸助以足工  
費庚申春令程光甸至勸督勤嚴工力加競辛酉春橋遂告  
成視舊加高聳焉其長與廣俱仍舊城載其上者記二十二  
堵

道光二年重修青龍橋記

進賢縣之東城下跨石橋因其旁之青龍堤名曰青龍剎建  
於有明之正統越嘉靖崇正一再修焉縣南九曲常湖合香

爐峯之通濟港榭山之院澤長樂優遊看源諸水迤邐由東  
南新橋入城折而西復折而東北逕此出城而西北注於青  
嵐湖流衆勢促春夏泛漲涌蕩排擊橋不能勝故至於今百  
有餘年而傾圯殆盡矣大令朱君鞠萃以嘉慶庚辰來令茲  
邑越一年修廢舉墜百務咸理乃復惓惓茲橋進邑人士而  
謀之時胡君起鰲舒君懋發慨然起任茲役捐貲購材鳩工  
甃石計費金四千有奇經始於道光壬午之七月越六月而  
橋成跨者如虹規者如璧礎者如磬平者如砥輪蹄絡繹皆  
歡舞稱慶邑之賢士美此義舉問記於余余惟費輕則易舉  
役重則難勝衆舉者易爲功獨任者難爲力今茲役也以一

進賢縣志 卷五  
二人之力而成千百年利濟之功聞其事者可以風矣故樂書之以爲當世勸而并望後之人有以維持綢繆於其繼也是爲記

翰林院編修兼撰文 國史館纂修 記名御史加五級長

沙賀熙齡撰

新橋 卽丹鳳 在縣東稍南明嘉靖間邑人傅炯建

國朝康熙十年知縣聶當世捐修

嘉靖間萬浩新橋記昔爲築城議建橋邑人難之嘉靖乙巳巡撫都御史傅鳳翔解發撫州府官銀捌百兩責委縣丞丁任督工修造蓋從邑宦傅都御史炯之請也傅清河書舍園

亭之往路必由之非賴其重大之力茲橋何能遽成邪非茲橋之先成今欲爲之城難矣河洛禹功之思自難泯也橋工之成卽傅之家領築橋城內外之房舍則皆其捐貲自樹官司無費焉

木橋 在邑治東門外百步邑人胡必先建今廢橋跡尚存

溫家橋 在邑治東門外百步與青龍橋相近

小石橋 在邑治東宋淳祐間邑人吳修伯造 以上聶志

鎮東橋 在六都邑治東門外三百步許

國朝縣令聶當世捐建乾隆辛未邑人州同文思雄陳銓重建

大水衝圯嘉慶三年附貢生傅寅清建 採訪冊

邑侯衛其襄鎮東橋記嘉慶元年之季冬余奉

簡蒞進視事祇旬餘而歲單矣越明年人日立春興秩節出  
啟和門迎春於東郊接度三橋中有爲鎮東者昭新致且長  
濶非畧約比詢而知爲附貢傅寅清昆弟所造也越數月傅  
君謁署陳橋害請禁并記予叩其由傅君曰誌弗載其權輿  
未可考也予曰予嘗過是橋見上際有故址得毋卽當日始  
基乎傅君曰唯唯否否不然生聞諸鄉人曰鎮東橋之設莫  
詳其始所及見者

國朝洪際可所造之長砥耳乾隆庚午年夏陽侯肆虐浪激  
砥頽卽際可之所造亦歸湮沒辛未潘侯炯慮民病涉召紳  
士議修有文君思雄陳君銓者醵金購料離故處擇上際甃  
石爲甃計五孔甚堅且緻歷水患數次迄庚子暴漲潰漉厥  
橋頓圯時魏侯攀龍知進事命僧會司施源叨募貲購石仍  
其址而增新之近十載而折其一甃架木以代更一年而五  
甃俱頽浮木爲梁屢爲衡流所漂呼舟以濟難應不時之需  
往來行人多苦之生思斯途爲邑東上下通衢先大父與先  
君子亦嘗有志更修謂是橋當港秋冬水涸祇如溝渠春夏  
雨集則麻山三臺諸山峽之水如瀑布飛泉合流湧下其橫  
冲之猛甚於崩崖修斯橋者若仍從文陳兩君子故址於上  
際甃石爲甃五孔泄水其上流必壅其受冲弗勝安得不圯

惟從下際循洪氏舊址砌石墩架石梁六孔泄水庶上流易行雖受冲而水勢稍緩橋可無虞生上年爲是橋者人以爲生昆季之力而實則先人志也是役也肇於丙辰之仲秋竣於季冬總計所費蓋不下千餘金語竟余謂傳君曰聆君之言言近於記記寓於言君不必索予記予亦不必更爲君記矣君其列一石并鎮東橋禁而刻之春夏禁倚欄旋網踞墩扳罾秋冬禁桔槔斷流摧敗橋址有越是禁者必行其罪以窮其情後之官斯土者仍是禁而呵護之庶斯橋之不朽也百丈橋 縣東通衢與鎮東橋相去百步元大德中縣令趙銓石其址永樂間邑人顏本貞建正統間縣令張冲宏治間縣令

吳璉正德間縣令王紀重修嘉靖壬戌縣令程光甸增修

縣志

國朝嘉慶十五年增廣生張爲楨重修

採訪冊

周溪橋

俗名鯨陂橋

邑東三里許宋淳祐間邑人吳修伯造明正

德間盜起建東關於此以增保障萬厯間縣令黃汝亨重修

夾圳橋 在邑東去周溪橋百步

旺坊橋 在六都嘉慶間邑人傅思寬建

邑人陳旭旺坊橋記邑東旺坊村前有港爲北嶺洪橋張溪諸水所匯以迺迤而左注之湖其碕灣束之處卽爲東西要路下通江省上達饒信諸州伊古以木爲梁計長三丈許以其在旺坊村左故橋曰旺坊傅先生思寬之先大父與父時

每不出十年一造或爲春漲夏瀑所衝時費修理歲乙亥先生慨然捐貲鼎建卷甕石橋命匠購石鳩工一載告成成之日賀者觀者交集而稱之有謂先生孝子也其父繼倫公以橋屬要路嘗有志焉而未逮先生克成之誠孝也有謂其好善而信因果者也嘗甫壯而患弱疾告神而疾愈近益信善隨其力之大小而爲之如張溪城橋畫眉橋湯家橋附城小石橋或鼎造或重修動費數十金皆獨力爲之推其好善之心可爲者將無不爲之而豈斤斤此附左之橋歟一時譁然不一其說予因顧而笑曰是舉也談何易哉無論其繼先志而爲與信因果而爲舉人所難爲者彼世豈無富人力能爲而不爲卽有義士肯爲而力不能爲夫濟人利物之舉雖小有功而爲之者猶鮮矧此不朽之功其勞費甚鉅哉衆皆曰然且謂是不可不誌之以昭來茲以彰善舉予爰述之以爲之記

翁家橋 邑東與周溪橋峙

官圳橋 邑東十里明正德初邑人熊允敬造

顏四橋 卽樊廟 邑東五里

王家橋 邑東十里明萬厯間邑民趙義相造

盧家橋 邑東七里有上中下三座

池溪橋 邑東四十里十五都明正統間縣令張冲造覆以屋

成化末邑民車鑿重建今爲市

皇華橋 十五都先名小橋

包希魯皇華橋記橋在池陂橋南翰林察倭士安過而易今名以使臣之所經也實吳文質率邑人士所作趾石以紫緞石以青虛圍半規高丈二尺深如之廣加三尺焉夾以石闌與趾同色兩端植垣以揭橋名始工於至元丁丑年九月五日越二十日成其斂資聚材蓋三年矣舊則構大木爲之澗嘔水激易以潰敗隸官繕治民罷吏煩故文質爲經久之謀而有是作也工畢之日乃勒石作記凡與哀者列名其陰所以彰惠施著歲月也文質字君實居鄰於橋耕以自給家無

餘資乃能竭力殫慮爲是役以利其里時之豐積而自闕者宜有勸也若乃以君子自處而利不及物者其亦有感於斯夫

鐘陵橋 邑東五十五里俗傳初屢修屢圯鄉人埋小鐘於橋

側厭之功始成明宏治初縣令褚潭重建

以上聶志

洪源橋 邑東十五里日月湖上下明萬厯間縣令周光祖建

并築堤延袤二里許

聶志

今中堤存兩頭橋圯渡以船

採訪冊

樊良樞洪源橋記縣治東十五里爲洪源洪源東四十里爲

鐘陵橋鐘陵者入省周道也直北抵韓家渡下鄔子驛隔岸

瑞洪故洪源於諸郡邑爲通津又東北境胥里出入稍東上

則道里迂迴公事竟日不得會稍下北出差近便而水絕澗遠杳冥不可渡故洪源於縣爲咽喉而受汝派百餘里湍悍軍山彭蠡之波委相屬故於津爲險於橋梁堤岸之興爲最亟而難而於法爲多費冬月水淺舟膠褰裳而涉冰春秋泛溢雲濤際天行旅毒之泄茲土者間一思奮發又往往束於經費而邑里山陬不便申請以故議舉議罷幾百年於茲矣我侯昆陵韋西周公至則進士民而條其疾苦津梁所尤注念者下令躬行相視度地形分水勢議紆曲計丈數算徒庸慮材用書餼糧井井殷殷以授令於督役者幾輩而捐俸資爲費於是願助貲者聽願助役者聽無約責焉堤梁不踰稔

而就橋南北相望如引繩踞其側之寒坡嶺視之百里若一堤凡三百丈兩橋二十丈凡用役夫六萬人錢八十萬有奇侯所捐十之六七朝廷不與聞小民不與知也嗚呼揭數百年之艱難一朝而建不任勞出不貲之費不任惠謳歌訟獄之往來旦發而夕至夕發而且至如行其庭如馮其欄如徘徊於垣墉而無所歸功於是相與建亭刻石而請記於余余曰侯仁人也其於民也衽席而呼吸之矣余烏可無記侯聞而蹙然曰是奚足哉功成在不毀蓋春夏之交風雨之夕某未嘗不念念在洪源也後來者歲時修輯無齧湍悍無圯風濤所藉一言爲契耳夫某何功之紀哉是役也肇事在萬曆



之乙巳年冬落成在丙午而建紀石則今戊申季春上浣也  
潤陂橋 在十七都抵餘干界

熊人霖潤陂橋記進賢之東北導於汝水匯於彭蠡厥山曰  
棲賢厥陂曰潤其謂之賢者以唐戴叔倫考樂在焉其謂之  
潤者則以豐美之澤於時鍾耳澤以美利利農而行者苦涉  
往時或造舟或絙木至憲宗時廼斲石而成大橋焉其謂之  
大者何也天官有大梁之宮有閣道之星茲地支流勾已徒  
枉往往而有故稱大以別之惟大也成不易毀毀不易成當  
寺僧法耀謁九如金先生爲題疏募緣時橋不絕如蠡矣滄  
桑以來金城鐵郭若魯靈光之屹然獨存者有幾況僅僅如

蠡屬者哉法耀法孫真如毅然募諸善信修之雖修也功實  
埒於創云橋旣如京行者訢訢澤循厥道農者芸芸陽鳥攸  
居之地依然大禹濬父之初嗟乎一念堅至恒人遂與聖人  
同烈豈特以彼法中以發願爲圓中圓滿哉余讀孔孟之書  
而所志弗底於績媿愚公之子多矣辛卯孟冬弔古訪戴適  
遘落成嘉僧克竟先志爲書貞石

棗木橋 十八都

白石橋 縣西七里一都

獨分橋 在十二都乾隆間十五都職州同萬珍造

山下橋 在十三四都乾隆間十五都職州同萬珍造

响水橋 在十三四都乾隆間十五都職州同萬珍造

芋塘橋 在十三四都乾隆間十五都職州同萬珍造

藍家橋 在十三四都乾隆間十五都職州同萬珍造

橫橋 在十五都乾隆間十五都職州同萬珍造

楊家橋 在十五都乾隆間十五都職州同萬珍造

前房橋 在十五都乾隆間十五都萬興宗造

中橋 縣東南文明門外三里明宏治間邑人吳大維重創

吳家橋 縣東南十里 小田萬星重造

石壩橋 縣東七十五里二十二都鄉賓連九思造 採訪冊

廣惠橋 縣東八十里二十一都架以木乾隆四十六年監生

文大輔文逢年倡修砌以石 採訪冊

潭津橋 在二十二都潭津市北乾隆間州同文思雄架木橋

今其後人捐田拾畝收租贍修 採訪冊

大林橋 在二十二都 採訪冊

李家橋 縣東南十五里架木為之 聶志

壽山橋 在壽山港近橫溪鋪通臨川路舊架木為之萬厯間

縣令黃汝亨倡修甃以石 聶志 歲久圯

國朝嘉慶二十二年十五都廩生萬叔權庠生達權國學經權

兄弟捐貲重建

視橋 縣東南十都天啟四年邑民趙義相修

進賢縣志 卷五  
三  
河湖橋 十都

臧溪橋 縣治東三十里真隱鄉舊架木爲之天啟間縣令梁

應材甃以石 以上聶志

晏樟橋 在十二都乾隆間臧溪村吳正通之妻萬氏捐建 探訪冊

三馬橋 縣東三十里真隱鄉

水北橋 十九都邑民楊清建塔橋二十都二橋今入東鄉

行者橋 縣東北八都

熊家橋 縣北七里

雲橋 縣西二里相傳梅福經行雲起故名明正統間縣令

張冲架木爲之正德六年邑民彭銘甃以石

國朝康熙十年縣令聶當世重修

上坪橋 邑東北八都

魏亭橋 邑西三里社學側以魏徵士名

白石陂橋 邑西三里明崇正戊寅年邑民章益振建 以上聶志

木架橋 縣東南十一都 羅志

岐田橋 縣西七里正統間縣令張冲建明正德五年邑民胡

浩重建萬厯間改名麒麟橋

托固橋 邑西明正統間縣令張冲建宏治間縣令馮經重修

萬厯間縣令黃汝亨周光祖俱修之

進賢縣志 卷五  
國朝康熙間知縣聶當世重修 以上聶志

羅溪橋 邑西二十里欽風鄉跨羅溪水以鄱湖爲滙一望漭  
泱明正統間縣令張冲建橋築堤延袤二里正德己卯之變守  
者斷橋毀堤以截寇路後遞修遞圯萬曆三十年縣令黃汝亨  
重建石橋六孔堤二百七十五丈護以椿木植柳環之橋東構  
小閣刻石記其事尋爲洪水衝齧三十六年縣令周光祖復築  
崇廣更加歲久橋圯會省通衢幾梗

國朝康熙十年縣令聶當世督修制仍如舊 聶志 康熙己丑縣  
令張貺重修乾隆己卯知縣向德一復修 羅志

萬曆間黃汝亨重造羅溪橋修路記鍾陵境西二十里爲羅

溪自章江東注滙於彭蠡湖環溪臨山漾碧千尋二水橫集  
渡者胥苦正統間前令張公冲創石橋築堤延袤二里而遠  
自義兵討逆濠虞其自湖而東斷爲兩橋圯至今易以板板  
且速朽厥隄衝波蕩漫亦口以塌敗秋冬水涸凹凸泥塹石  
磊砢如棧道不可走自春而夏風雨大壯撫水壅贛水奔會  
橋堤漭泱無辨行者瞿瞿卽人馬俱墮上官過客令每驅十  
餘舟待舟子停楫候望無以爲食愁嘆竟晨夜不去口驚風  
犯濤覆墜沉汨者歲歲有之蓋不佞目擊茲苦三年太息向  
父老計則輒嘆是浩大功非五六千金經幾歲月不就民且  
瘠而愁衝官帑無所出誰濟此者不佞曰不然不一勞不永

逸萬事心造耳卽張令作者豈真有鞭石超海力哉於是檢  
司藏馬薪與報金矢入而羨者百餘金丞簿尉各輸俸幾五  
十金首事而士大夫鄉三老庶民及往來行旅客商好施者  
各從願所捨自毫釐升斗而上至什百千萬踴躍赴者可千  
金無才施効血汗荷鍤者亡算廼禮致鄉州判樊灼選委鄉  
典史宋塘季棻召木石匠計工力日夜董其事不休尉沈卿  
時時勞來之橋凡六甕路二百七十五丈凡用大小石一萬  
七千九百塊椿木一萬一千三百二十有五株竹二千九百  
有五十堤亂石填砌象數不勝數諸匠作及舟載擔負搬運  
諸土木工凡四千九百三十工有奇虞岸衝汨將覆圮椿以  
外夾堤植長短柳捍之可二千餘株蓋小閣一座上可臨溪  
流看山下可矚舟車牛馬走東故有架橋西故有托固橋俱  
崩圯以其餘修築之溢百金是役也經始於壬寅冬十月落  
成癸卯夏五月凡糜金一千二百三十兩而羨惟是賢士大  
夫二三善信諸父老子弟矢願相成不佞豈其敢貪天之功  
會當載過從計吏入聊記其事勒之溪畔而平治覆護俾勿  
壞以告後來同此願力者

萬厯間陳維春重修羅溪橋堤記鍾陵在豫章東鄙所爲稱  
五父之衢日有車轍馬跡焉者則羅溪溪距鄱湖不三十里  
受湖水必趨之勢行者迂其途而避之不得故堤而梁焉以

就徑也延袤二里而遙矣梁數圮水嚙堤幾盡行者接跡於道褰裳而濟又不得武林貞父黃公來伐石而梁之爲永利矣然未嘗忍盡民力於堤俟少憩而畚築未晚也沿舊堤增修之聚壘亂石繚以松椿而多樹楊木殺衝波是當屹然無恙古吳周父母繼涖茲邑歲丙午秋漲浹旬堤復嚙幾盡公撤闔趨視浩嘆亟請之當道曰是前令所不欲一時並興之功俟少憩而畚築焉者也幸如請會公入覲幾爲署篆條陳不稱指而止公陞辭馳至所奏記甚詳大旨省費惜民而功易集也郡侯盧公上其議於中丞臺使者監司咸報可公喜動顏色謂得永世利教護工作近山取石實其中遠載白崖

巨石鞏其外將告厥成而衝波蕩漫又見告矣先是水嚙堤其不能沒堤者堤猶以聚石與水爭是土是夏巨浸異常蜿蜒迤邐之形爲波臣所嬖土崩潰石亦離其故處公奮然謂吾將興百年未有之利而奈何值百年未有之害以困吾民爲具民漂溺狀關白當道詞旨真切候水退乃召丁男乃勤畚築加土石焉淖者崎者似卷者似闕者似白者似穴者不日截然成之使者可夜行而不求火也不忘事而綢繆其罅以共成因前令志更而不紛此一善也悉心計畫所費三倍所佐悉出俸餘不動民間一株人人以爲君侯親已又一善也畫必百世動必萬全經之營之匪疚匪棘又一善也昔薛

宣之子爲彭城令宣過之橋梁郵驛不修卽嘆其不能而張忠定以縣令置頓嚴辨更鼓分明遂稱爲好官細事尚爾況公所創建一樹百穫者哉是以紀之令後來者論次邑事得所考鏡云公諱光祖號韋西伯繩其字也直隸崑山舉人甲辰進士役始於丁未之九月落成於戊申之十月維時托固堤並興凡用松九千餘章紅石二萬四千有奇亂石無算灰二萬一百五十挑工匠七千九百零四民夫一萬九千三百四十有六蓋省費惜民而功易集者也

康熙己丑陳大晟重修羅溪橋記邑西二十里爲羅溪水自章江東注數十折滙於彭蠡夏秋漲溢漶漫不可渡橋堤之建明張侯冲實權輿之正德己卯逆濠寇進賢守者斷橋堤以截路不復砥道如前矣萬厯中黃侯汝亨循故址建石橋六甕築堤二百七十五丈堅緻牢實周侯光祖嗣修之遂益固自萬厯到今百數十年民不病涉者咸歌三侯之德不衰辛未夏五月壯雨經旬日蛟龍震怒撫水擁贛水奔會堤嚙橋崩水激石斷悉離故處上官過客日驅十餘舸以待風雨長途夕陽遠道傳命置郵朝集貢輸者重足錯轂嘗竭蹶噉噉以爭渡倉皇狼狽以致淪胥者恒有焉前侯尚公崇震令砌墩架木以渡然木壽以歲霖潦輒壞過者躊躇不能進己丑歲我張侯奉

通賢縣志 卷五  
簡書來宰吾邑往返省會目擊心傷徘徊堤上浩嘆不能已  
進紳士耆老而告曰是溪下走省會上達浙閩於途爲要於  
橋堤之修爲最亟爲

天子守此土治此民苟惜一時之財力忘久大之規模歲事  
架築徒煩吏民無已時也於是檢司藏馬薪與報金矢入而  
羨者首事鳩工飭材令悉毀故墩而加大之易木以石假修  
爲創不居創之名者也而邑諸生陳紹裘樂侯政不忍侯獨  
任焦勞奮起捐金百數十餘以資石費義聲一倡鄉士民之  
好義者亦皆量財勸勸至無財者咸願効血汗荷鍤雲集其  
權喜助金踴躍赴工有若子趨父事而不日成之者然然非

我侯之恩信居平有淪浹遐邇者何能若是耶是役也始於  
壬辰之十月訖於甲午之十月計大小石一萬二千塊椿木  
一萬零油灰二百石匠工六千零凡糜金一千三百六十五  
兩橋成委若鼃鼃舒如蟬竦人咸悅焉夫士當釋褐製錦比  
比傳客居官耳民事何有焉乃侯於前之因循十餘年而不  
能爲者獨毅然肩之不辭且隱其創之實而辭夫創之名其  
德量之過人信非具涉川之才者不能有此也昔張乖崖守  
金陵每問好官員於過客而得張晞顏萍鄉之治無他惟以  
入其境則橋岸修理田萊墾闢市無喧爭夜則更鼓分明以  
此驗其大者必可觀焉卽薦於朝今我侯治行度越萍鄉者



通賢縣志 卷五  
殆相萬也而過客之訪必有垂崖之人茲之所記者特以垂  
茲橋之美於不朽耳侯諱睨字方曉號頤菴癸酉鄉進士四  
川威州人

乾隆己卯雷躍龍重修羅溪橋記羅溪橋在縣治西二十里  
孔道也溪北流經羅麓稍折而東至英山匯入東南注入青  
嵐湖與軍山湖合又北東匯於鄱春夏則逆漲而南其南源  
起流嶺衆谷澗壯之共趨而北橋與堤自東迤西卧溪腹延  
袤二里餘每風雨水湧南北皆衝齧按邑乘自明正統間張  
公冲令茲土建是橋築是堤厥後正德己卯之變守者懼寇  
東向斷橋毀堤事平架以木萬曆十三年邑侯黃公貞父重  
建石橋修堤刻石記其事閱六年令周公光祖增修邑人陳  
維春記之歲久復圯

國朝康熙十年縣令聶當世五十四年縣令張睨前後續修  
邑人陳大晟並記乾隆二十二年夏四月二十有二日疾風  
迅雷甚雨凡三日夜於時近城二三十里成巨浸城不沒者  
數版負郭廬舍漂蕩多溺死者水落諸橋梁圯者數十而羅  
溪橋堤衝決殆盡時邑侯向蘇村再泄進旣安輯其民遂謀  
斯舉議者欲因民之力公慨然曰烏可以勞吾百姓且

國家水旱蠲賑海塘漕渠河工歲修舉動費帑金億萬奚吝  
此千金爲議上諸大憲可之乃鳩工伐石於明年春月歷歲

再週而事乃就先是橋北有深窟橋壞石離其故處徙於窟而深如故乃障其上源令百數十人桔槔引之不得竭以故多設方畧延時日論者慮無以奏績然而迄用有成則公之焦勞益極矣橋凡九孔甃若干甃其上坦而康莊修廣倍初堤既就復廣培其址植柳以捍南北兩波臣之驕堤之半砌小石橋一甃又西數十武添造石橋二甃蓋用二橋引東南之水迤西北出以殺其全趨之勢也橋長一十八丈六尺濶一丈小甃橋長十之二濶半之小石架梁橋濶殺半長十之一堤崇廣加舊補植新柳過半焉用大小石一萬四千八百八十塊松杉木椿一千九百五十餘株竹百餘个石灰七萬七千七百餘斤諸匠作土木畚築計一萬一千二百餘工凡糜帑金一千六百七十三兩零其西偏小甃橋則公捐俸爲之又募修治內諸橋之圯於水者至是皆竣爰命予記夫輿梁徒枉之成民不病涉乃爲政之大端不可以不書者矧茲鉅艱者哉爰次其事勒石於橋東之小閣閣於修橋時公所捐造云公姓向名德一字輔世蘇村其號也雍正丙午鄉進士湖南澁浦人董其事者潤陂巡司甘公名棠字蔭召號西林江南江陵縣人

按羅溪水北流稍曲而西經羅麓又稍折而北至顧匡翁合東南自英山以來之水入青嵐湖不能流至英山記誤

安山橋 縣西四十里欽風鄉明永樂十年里民余復升造

瀝塹橋 邑東北七都 以上聶志

柳樹塹橋 邑西三十里三十三都乾隆間邑人傅善華善彩

兄弟捐建堤兩頭有柳故名 採訪冊

勿弄橋 邑西三十里三十三都 採訪冊

高橋 楓林港橋 神橋 傅家橋 軟橋 龔家橋 趙家

橋 塹頭橋以上俱邑西三十四都 採訪冊

徐家橋 縣西三十四都 聶志

捍界橋 縣西三十五都 聶志

彭家橋 縣西三十五都嘉慶二十二年監生李才高捐銀七

百倡修監造

架 橋 三十五都明宏治間都御史王朝遠子緝建

白田橋 縣西南七里

流陂橋 縣西南十里明正德間縣令劉源清架以木 以上聶志

志 乾隆間監生朱相朝陳於階砌以石 羅志

徐 橋 邑東十三四都有公館萬厯間縣令周光祖重修

樊兆程徐橋記鍾陵之東有徐橋道里逶迤當途之衝歲久

橋圯輿馬苦弗便三吳周侯鳩工庀材浹歲而告成工士民

樂成以諗不佞不佞讀侯所自為記深有慨於中也鍾陵之

橋其最鉅者羅溪次之為托固洪源而徐橋亦稱阨隘羅溪

經始於黃侯乃怒濤噴射頽岸數千尺侯增堤壘石崇廣三  
之率作三冬俄成砥道托固洪源俱相繼就緒迄今徐橋增  
洞廣二軌高倍之視曩昔稱堅且美焉行者詠於途曰我侯  
不費民貲不疲民力橋梁告成民不病涉大有利濟於我國  
人也居者歌於野曰我侯平賦簡訟諸廢具舉四郊不聳實  
惟神君也夫士朝釋褐而夕製錦比比傳舍居官耳何有於  
民事今此乘時集事永賴不朽豈易易哉大都涉世猶涉川  
也當其清淺則揭厲可乘時而水溢其流湯湯雖或善泅非  
舟楫不濟及其滔天舟師辟易咫尺可虞將必由梁何者緩  
急頓異則厝置迥殊鍾陵遇我君侯民何幸與且也橋以徐

名志孺子也孺子擅高名於豫章在在留蹟榻懸豫章橋剏  
鍾土孺子洵自重然非下榻無以重孺子是太守錫之光也  
徐橋之剏是我侯再錫之光也孺子千秋不沒橋亦千秋不  
泐哉侯延見人士無虛日自扁其肅客之館曰南州分榻淵  
然有高士之思哉儼然以仲舉氏自待哉仲舉有清世之志  
不畏彊禦我侯更不少讓但仲舉當炎精正歇之時卽入爲  
中尉列侯不幸與刑人腐夫同朝侯當我明豐日正中行且  
晉躋樞要以利濟一邑者光被乎寰宇嘉績炳燹鼎其於鍾  
陵人士之懷德而勒貞石者譬猶一峽也仲舉氏安足絜哉  
謹爲之記而屬三尹鐫之碑陰

獨木橋 二都

棚家橋 邑東七十里東鄉界 以上縣志

廣益橋 三十四都羅溪橋南鄉賓胡允堅始造木橋邑庠吳

尚德倡募甃以石 羅志 今石橋圯仍架以木名新橋 採訪冊

文昌橋 三十八都雍正辛亥鄉耆章宗坦建 羅志

師過橋 北關外明萬厯間知縣張棟重建後改建附城百步

許 採訪冊 并見下碑

陳大晟重建渡師橋記進邑北關外曲水灤洄長河如帶其派自汝水發源經闌闌中內折紆迴數十里而直走鄱湖居者行者非舟莫濟昔春秋時伍員帥師伐楚路經鍾陵遂以

師過名橋後人驚風犯濤甃石爲梁乃闕歲未幾尋爲波臣所潰至明季離其故處創橋三孔去雉堞不踰數武與前楊墩橋兩相蜿蜒而車輪馬蹄始得舍舟從陸稱砥道焉第世遠年湮誌固弗載其人傳其事後之父老猶名其橋爲渡師蓋亦從子胥意也歲甲午春夏泛溢衝波滌泱水激石頽雖危如棧道亦安有過而問焉者越明年秋我張侯奉

簡書而來甫蒞茲土卽慨然以民事爲己任諸如建積倉設義學修黌序復各宦鄉賢兩祠卓卓善政爲都人士所感激者未易更僕數而簿書之暇猶殷殷以是橋爲趙鋪三陽鄔子驛瑞洪一帶通衢不忍聽其塌敗而不與吾民更新之於

是檢司藏馬薪捐貲以倡於上而里中耆庶及紳士輩之好義樂施者莫不雲集響應謂侯此舉大有利濟於我邑人也遂命諸生陳紹裘鳩工庀材悉毀故址而增新之其一時規畫取舊石實其中而以白崖巨石鞏其外視曩昔更稱堅且緻焉是役也肇工於丙申冬十月落成於丁酉之三月計用大小紅石若干松椿木架若干油灰若干土石工匠若干共糜金若干侯閭山人諱棟字吉臣爲河南大中丞諱聖佐之姪丁年奉仕大有治聲士大夫相與慶於庠序農人相與歌於野行旅相與咏於塗非我侯政綜大綱不矜小惠奚能若此他日

聖天子採風而思良牧以作楫之才具涉川之用實足以利賴萬方寧第作鍾陵之砥柱而已哉爰記其橋俾後之覽是記者咸頌侯之德於勿衰云

楊墩橋 在師過橋東北相離里許乾隆四十六年邑人吳以德捐貲重建嘉慶十三年圯邑人吳賓龔序祿胡日華倡捐修復 採訪冊

師過渡 在邑北包希魯記畧伍子胥奔吳經此後帥師伐楚以師過名津或曰灌嬰帥師過此又府志云子胥奔吳至江上追急漁父以舟渡之謝以寶劍直百金漁父不受而去今津處有子胥廟傍祀漁父 聶志

英山渡 在八都西三十三都東 又名徐家渡

傅家渡 在八都

毛家渡 在八都

中結渡 在九都

南陽渡 在十五都 以上聶志

洪源渡 在十五都南有小橋後亦圯嘉慶己巳傅寅清與弟

紹夔捐建義渡 採訪冊

青山渡 在二十二都 今廢 東江渡 在二十二都 今廢

李家渡 在二十二都 以上聶志

潤安渡 在二十二都監生于品超捐產十八畝獨建義渡行

者便之 採訪冊 又于高遠穎川學宏等倡捐造船一隻 採訪冊

石人灘渡 在十五都 梅津渡 在二十三都

韓家渡 在二十三都 新橋渡 在二十三都

雷公灣渡 在二十三都 新居渡 在二十六都

三陽渡 在二十六都 蘆溇渡 在二十六都

神浦渡 陳浦 在二十六都 瑞洪渡 在二十四五都

熊家渡 在二十七都舊渡在上游三里青山之麓頗紆遠

熊公捐貲遷之此地達邑治徑直便行

石灰渡 在二十九都 望流渡 在三十都

朱家渡 在三十一二都

穀溪渡

今名茅庵渡

在三十三都

以上聶志

西滄渡 在三十三都乾隆間邑人周常芮周常伯周洛書胡

臣高捐建義渡

採訪冊

小巷口渡 在三十一二都 故里渡 在三十四都 今廢

雷公渡 在三十七都 今廢 廖坊渡 在三十八都

藍津渡 在三十八都 枕頭埠渡 在三十七都 以上聶志

郵遞

急遞鋪舍一十九所

總鋪在縣治前鋪司兵四名

港南鋪距縣治西十里鋪兵三名

羅溪鋪距縣治西二十里鋪兵三名

馬坵鋪距縣治西三十里鋪兵三名

玉嶺鋪距縣治西四十里鋪兵三名

土坊鋪距縣治西五十里鋪兵三名

自此又十里抵南昌縣管頭鋪

大山鋪距縣治東十里鋪兵三名

寶山鋪距縣治東二十里鋪兵三名

棗樹鋪距縣治東三十里鋪兵三名

翁嶺鋪距縣治東四十里鋪兵三名

古路鋪距縣治東五十里鋪兵三名



菱塘鋪距縣治東六十里鋪兵三名

石頭鋪距縣治東七十里鋪兵三名

自此又十里抵餘干縣潤陂鋪

徐橋鋪距縣治東五十里鋪兵三名

棗樹鋪分路自此又十五里抵東鄉縣秧塘鋪

大嶺鋪距縣治南十里鋪兵三名

橫溪鋪距縣治南二十里鋪兵三名

新塘鋪距縣治南三十里鋪兵三名

西萍鋪距縣治南四十里鋪兵三名

臨川進賢二縣各設二名此與臨川縣交界

石灰鋪距縣治南三十里鋪兵三名

自此又六十里抵龍山司

按舊志載白田北斛南陽三鋪今俱廢

以上乾隆府志

一、  
 二、  
 三、  
 四、  
 五、  
 六、  
 七、  
 八、  
 九、  
 十、  
 十一、  
 十二、  
 十三、  
 十四、  
 十五、  
 十六、  
 十七、  
 十八、  
 十九、  
 二十、

自出又六千里游踪已回  
 中及險阻皆皆也二十里離此山名  
 對善法錄曰田外無非何山無今其類  
 其後又六千里游踪已回  
 中及險阻皆皆也二十里離此山名

